



國家清史編纂委員會·文獻叢刊

五編

清代稿鈔本

第三一七冊

國家清史編纂委員會·文獻叢刊

五編

清代稿鈔本

第二一七冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社
·廣州·

第二一七冊目錄

丁禹生政書

丁禹生政書

三十五卷

丁日昌 撰

稿本

廣東省社會科學院藏

奏稿
六

奏稿第六本

新漕米短籌款買運疏

奏為蘇屬秋成減歉起運新漕數較短絀現擬籌款買米隨同正漕運津以裕倉儲恭摺奏祈

聖鑒事竊准戶部咨具奏來年江浙二省起運本年新漕必須力籌足額迅速運津仍將起運米數先期馳奏等因奉

旨依議欽此即經轉行欽遵寔力多籌趕辦起運在案伏查蘇屬新墾田畝自蒙

恩旨分別緩征米數本已無可再加兼之本年蘇松等屬夏秋以來雨水過多平田受傷較重低窪之區

百廣山食

卷七

至今猶有積水收成遂多失望若普行減緩則民情之所望甚奢而漕數益將短絀倘照額全徵則澤國之顛連殆甚雖追呼無益正供臣日昌當於前月親赴各屬查災之便與各牧令面商分別受災輕重遞加減緩低田之顆粒無收者全免高田之豐收如故者全征其太倉鎮洋吳江震澤昭文新陽等縣尤為低窪仍當分別普減成數以卹災黎庶民困可紓而於正供亦不致大有出入並由藩司派員會同地方官按畝履勘以免虛捏現在各屬除免實征米數雖未詳細報齊而以成熟田地約畧計算共可起運漕

白米五十七萬石有餘較之上年約短至一成左右
臣等諗知

京倉支絀需米孔殷自應竭力多籌起運以裕支放
第限於歲功之荒歉民力之疲乏寔已釐剔無遺再
四籌商惟有於應征正漕之外另行設法買米隨同
起運稍濟倉儲現擬籌款米買米五萬餘石所需米
價運腳等項約共需銀十四五萬兩司庫竭蹶異常
猝難籌畫查鎮江府屬之丹陽金壇溧陽三縣權收
抵征錢文上年係以一半買米起運一半撥入地丁
充餉本年因須多籌起運必得量為變通應以八成

百廣山館

老

買米二成充餉所提八成錢文約可易銀六萬兩除將此款撥抵外尚不敷銀八九萬兩擬於江海關提撥銀六萬兩蘇糧道庫提撥銀二萬兩蘇滬厘局提撥銀一萬兩共湊銀九萬兩解交藩庫以濟米價運脚等項之用如此辦理庶起運米數不致比去年稍有短絀據蘇州藩司張兆棟詳請

奏前來除分飭江海關道蘇松糧道蘇滬厘局遵照籌撥解司彙同抵征錢易銀兩飭發委員分投買米隨漕運津並核明正漕應運米數另行

奏報暨先咨明戶部查照外謹會同漕運總督臣張

之萬恭摺由驛具陳伏乞

皇太后

皇上聖鑒訓示謹

奏

丁禹生政書

卷一

陽漂壇三縣仍辦抵征片

奏為鎮江府屬丹陽等三縣本年應徵錢漕援案仍辦抵征以示體卹恭摺仰祈

聖鑒事竊照鎮江府屬之丹陽金壇漂陽三縣被擾最久蹂躪較重征冊燬失清糧未竣上年應征錢漕援照江甯府屬各縣辦理抵征酌收錢文分別買米濟餉當經臣等奏奉

諭旨允准轉行欽遵在案本年應行照常啟征飭據該三縣查明稟覆寔緣被兵最烈之區克復以後人民稀少戶鮮蓋藏屢經設法招徠所墾熟田為數無

多本年又遇雨水為虐低區多有收成失望高阜亦形歉薄民情拮据倍常且積水之區仍難施文精未全清料則不能分晰冊串萬難核造若由糧互相影射為害伊於胡底請仍辦理抵征即經飭司遴委委員分投密訪由該管知府覆查無異稟經蘇州藩司張兆棟查無捏飾議請援照上年舊章暫緩啓征錢漕仍辦抵征詳請具

奏前來臣等復查丹陽金壇溧陽三縣毘連江甯各縣前被賊擾最重土著農民稀少所墾熟田無幾連年暘雨失時民困未蘇本年又值水潦秋成大為減

歉甚有顆粒無收之處小民艱苦情形寔與前兩年相仿若遽令啟征錢漕民力寔有未逮兼之糧未全清深恐科則混淆吏胥舞弊轉不足以卹民隱臣等往返籌商竊思江甯府屬今年仍辦抵征該三縣壤地毘連情形正復相似况抵征錢文分別買米濟餉原與錢漕無異既據司府委員查訪明確自應量予體卹合無仰懇

聖恩俯准將該三縣同治八年熟田錢漕暫緩開征仍照上年舊章權辦抵征以順輿情而裕課賦所有本年新墾田畝照案剔除免征其餘原墾熟田擬請

將金壇溧陽二縣無分斗則輕重錢漕併征立定限期照案每畝征收錢二百文丹陽縣田地瘠薄連歲歉收又非壇溧二縣可比且該縣科則較輕擬請照案戶屬漕田每畝酌收錢一百六十文工屬洲田每畝約收錢一百文以示區別所征錢文仍照章酌提公費外餘俱飭令全數易銀解司惟此項抵征錢文上年係一半買米起運一半撥入地丁濟餉本年該三縣被水較重收成大減征數較有短絀現在京倉需米孔殷自應量為變通多籌濟運擬請將所徵錢文以八成買米運津以二成收入地丁濟餉似

於

國課民生兩有裨益仍飭將應征熟田由該管知府
親詣復查務期悉數征收並飭俟積水消涸趕緊清
丈完竣釐定科則以備來歲啓征不容稍再延緩謹
合詞恭摺由驛具

奏伏乞

皇太后

皇上聖鑒訓示謹

奏